

# मेधासुक्तम् Medhāsuktam

ॐ मेधादे॒वी जुष॑माणा न॒ आगा॑द्वि॒श्वाची॑ भद्रा सुमनस्यमा॑ना ।  
om mēdhādevī juṣamāṇā nā āgādviśvācī bhadrā  
sūmanasyamānā ।



त्वया॑ जुष्टा॑ नुद॑माना दुरु॑क्तान् बृहद्व॑देम वि॒दथे॑ सु॒वीराः॑ ।  
tvayā juṣṭā nūdamānā dūruktān bṛhadvādema vidathe sūvirāḥ ।



त्वया॑ जुष्ट॑ ऋषि॒र्भवति॑ देवि॒ त्वया॑ ब्रह्मा॑ऽऽगत॒श्रीरु॑त त्वया॑ ।  
tvayā juṣṭā ṛṣirbhavati devi tvayā brahmāḥgataśrīruta tvayā ।



त्वया॑ जुष्ट॑श्चि॒त्रं वि॑न्दते वसु॑ सानो॑ जुषस्व॑ द्रवि॒णो न॑ मेधे ॥  
tvayā juṣṭāścitraṁ vindate vasu sāno juṣasvā draviṇo na  
medhe । ।



मेधां॑ म॒ इन्द्रो॑ ददातु॒ मेधां॑ दे॒वी सर॑स्वती ।  
mēdhām mā indro dadātu mēdhām devī sarasvatī ।



मेधां॑ मे॒ अश्वि॑नावु॒भावाध॑त्तां पुष्कर॑स्रजा ।  
mēdhām me aśvināvubhāvādhattām puṣkarasrajā ।



अ॒प्स॒रा॒सु॒ च॒ या॒ मे॒धा॒ ग॒न्ध॒र्वेषु॑ च॒ यन्मनः॑ ।

apsarāsu ca yā medhā gāndharveṣu ca yanmanah ।



दै॒वीं मे॒धा॒ सर॑स्वती॒ सा मां मे॒धा॒ सुर॑भिर्जुषतां॑ स्वाहा ॥

daivīm medhā sarāsvatī sā māṁ medhā surabhirjuṣatām svāhā । ।



आ॒मां मे॒धा॒ सुर॑भिर्वि॒श्वरू॑पा॒ हिर॑ण्यवर्णा॒ जग॑ती॒ जग॑म्या ।

āmāṁ medhā surabhirviśvarūpā hirāṇyavarṇā jagatī jagamyā ।



ऊ॒र्ज॑स्वती॒ पय॑सा॒ पिन्व॑माना॒ सा मां मे॒धा॒ सु॒प्रती॑का॒ जुष॑न्ताम् ।

ūrjasvatī payasā pinvamānā sā māṁ medhā supratīkā juṣantām ।



मयि॑ मे॒धां मयि॑ प्र॒जां मय्य॑ग्निस्तेजो॒ दधातु॑

mayi medhām mayi prajāṁ mayyagnistejo dadhātu



मयि॑ मे॒धां मयि॑ प्र॒जां मयि॑न्द्र॒ इन्द्रि॑यं दधातु॑

mayi medhām mayi prajāṁ mayīndra indriyam dadhātu



मयि॑ मे॒धां मयि॑ प्र॒जां मयि॑ सूर्यो॒ भ्राजो॑ दधातु॑ ।

mayi medhām mayi prajāṁ mayi sūryo bhrājo dadhātu ।



ॐ शान्तिः॑ शान्तिः॑ शान्तिः॑ ॥

om śāntiḥ śāntiḥ śāntiḥ । ।

